

**Zeitschrift:** Schwyzerlüt : Zyschrif für üsi schwyzerische Mundarte

**Band:** 13 (1951)

**Heft:** 4-6

**Rubrik:** Vier Gedicht vom Josef Reinhart

**Autor:** [s.n.]

#### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 16.07.2025

**ETH-Bibliothek Zürich, E-Periodica, <https://www.e-periodica.ch>**

## Vier Gedicht vom Josef Reinhart

### Zauberspruch

Han emoles Sprüchli ghört,  
's tönt mr i den Ohre,  
Wo mr 's Müeti gsunge het,  
E Zauberspruch, vor ville, ville  
Bi uf d'Steinli gfalle, [Johre.  
Ha ne Büüle gha,  
Bi zum Müeti gange,  
Het nes Sprüchli gha,  
Wo mer alli Büüle banne cha:  
• Heile, heile Säge,  
Drei Tag Räge,  
Drei Tag Schnee,  
's tuet im Büebli nümme weh!»  
's Müeti han i nümme meh,  
's Sprüchli isch mr bliebe.  
Ha scho mängi Büüle gha,  
Hätt se gärn vertriebe:  
• Heile, heile Säge,  
Drei Tag Räge,  
Drei Tag Schnee,  
's tuet im Büebli nümme weh!»

### Merzeblüemli

Merzeblüemli i dr Sunne,  
So, bisch au scho vüre cho?  
Stohsch jo i dym guldig Röckli  
Wie nes Osterbrütli do.

Hesch nit Angscht,  
aß no dr Winter  
Hinecht über d'Matte geit,  
Und mit syne ruuche Hände  
Ryf und Schnee uf's Röckli leit?

• Dänke nit a Schnee und Winter  
Und was's süsch no Feisters gitt  
Wott jetz i dr Sunne blüeihe  
Und a's andere dänk i nit!»

### Worum isch's au so schön?

Nes Imbli flügt dur d'Matten uus,  
Potzuusig, wie luegt das!  
Es lache's alli Blüemli a,  
Zäntum im grüene Gras.

Es flügt und summet hin und här,  
Es gfällt em gäng wie meh;  
Das glitzeret im Sunneschyn.  
Es het no nüt so gseh.

Und wo dr Tag vergangen isch,  
Do wird em 's Heigoh schwär.  
Es het keis Hämpfeli Simmelmähl  
Und 's Chrättli liecht und lär.

Und won es ändlig heicho isch.  
Luegt 's Imblimüeti höhn;  
Doch 's Imbli het en Uusred gha:  
• Worum isch's au so schön!»

### I ha nei Angst

Dr Dursli het gar grüüsli Angst,  
Lauft uf dr Stroß e Hund;  
Er springt uf's Bord,  
so bhänd er cha,  
Wenn so ne Bälli chunnt.

• Eh, Dursli! » het sy Mueter gseit.  
• Er macht dr nüt, my Schatz! »  
Dr Dursli seit: « I ha nit Angst;  
I mach em numme Platz! »

Us: „Im grüene Chlee.“